



Bentiaraq Ottosen
Atassut

UKA 2023/111
11. oktober 2023

Nunatsinni meeqqat angerlarsimaffiup avataanut inissiisarnermut atatillugu aningaasartuutit annertuumik annertusiartuinnartunut qanoq annikillisaasinnaanerluta, immikkut ilisimasallit suleqatigiissitaq piviusorsiortunik innersuussisussatut pilersinneqarnissaat anguniarlugu Naalakkersuisut peqquneqassasut Inatsisartunut aalajangiiffigisassatut siunnersuut. Tamanna kommuunit angerlarsimaffiup avataanut inissiisarnernut aningaasartuutigisartagaannut annertusiartuinnartunut annikillisaanissaq siunertalarugu. Innersuussutit meeqqat inerikkiartornerannut, toqqisisimanerannut aammalu illersorneqarnerannut innarliissanngillat. Innersuussutit UKA 2024 nallertinnagu saqqummiunneqassapput.

(Inatsisartunut Ilaasortaq Bjørk Lange Olsen, Demokraatit)

Siullermeernera

Inatsisartunut Ilaasortaq Bjørk Lange Olsen, Demokraatit saqqummiussaanut Atassummiit imaattumik oqaaseqarfingissavarpus.

Meeqqat tassaasariaqarput politikkikkut sulinitssinni sallersaasussat, ilaqtariinneq nukittooq maani eqqartortillutigu tassaasariaqarpoq uagut nunaqqatigiulluta maligassiuisariaqartugut meerartatsinnut. Ilaqtariinneq pingaruteqarluinnartuuvoq inuiaqatigiit akornanni, tamannalu meeraq peqqissoq ineriertortinnejartussaavoq angajoqqaamini. Ajoraluartumilli ilaqpugut meeqqaminnik arsaagaasimasunik, tamakkua isumaqarpunga politikkikkut ammanerusumik oqaloqataaffigineqartariaqartut.

Nunatsinni meeqqanut angerlarsimaffiup avataanut inissiisarneq pillugu aningaasartuutit qaffariarsimangaatsiarerat takuneqarsinnaalluaroq, tamannalu aamma kommune-t tallimaasut akornanni aningaasaqarnikkut annertuumik siunissami artukkiisinnaanera ernumanartumiittooq oqaatigineqarsinnaalluaroq. Tamakkua eqqarsaatigalugit meeqqanut angerlarsimaffiup avataanut inissiisarnerup pitsangorsartuarnissaa isumaqarpunga aqquq siullerpaatut toqqarneqartariaqartoq, aningaasartuutilu kommune-nut artukkinatik inissisimassasut isumaqarlunga.

Pisortat pigisaanni suliffeqarfiit eqqarsaatigalugit isumaqarpunga pisortat pigisai namminersortunut unammillerpallaarujuussuarerat takussutissaqqissoq, tamanna isumaqarpunga aningaasartuutit qaffakkiartornerinut pissutissat annerpaartarigaat. Tamanna pisortat suliffeqqarfiutaat namminersortunut unammillernerat meeqqat angerlarsimaffiup avataanut inissinneqartartut eqqarsaatigalugit akigititaasut qaffakkiartuinnarnerannut pissutissaqqissoq.

Meeqqat avataanut inissinneqartartut pillugit angerlarsimaffiit namminersortuusut aamma aqquqtiunneqartariaqarput, taakkuuppummi aamma inuiaqatigiinnut tunniussassanik ulikkaarlutik meeqqap paaqqutarineqarnermini pitsaasumik ineriertitsisinnaluartut. Tamakkua atorluarnerusariaqarput.

Pisortat ilaqtariit pillugit sullissinermanni eqqaamasassaraat, eqqortumik meeqlanik arsarinninniaannarluni arsaarinnittarneq aamma oqallisigineqartariaqartoq. Tamanna isumaqarpunga unikaallatsinneqartariaqartoq tamanna, pisortat isumaqarpunga pikkorinnerulerteriaqartut una qallunaat ingerlatseriaasiat atuinnarnagu ingerlasariaqartugut. Tamakkua isumaqarpunga aamma qulaajärneqartariaqartut, pissusissamisuungimmammi aamma taamatut iliorneq.

Meeqlanut isumaginnittarneq pillugu periarfissat pitsasumik aallaaveqartinneqartariaqarput, aningaasartuutit qaffakkiartuinnarneri eqqarsaatigalugit illuatungaanut qiviartoqartariaqarpoq nalilersuisoqartariaqarlunilu. Pineqartoq eqqarsaatigalugu Naalakkersuisut iliusissaattut siunnerfik isumaqarpunga periarfissaasinnaasoq, aappaatullu aaliangiiffigisassatut siunnersuuteqartoq siunfigisaa aamma atorneqartariaqartoq. Atorfissaqartipparpummi inuiaqatigiittut meeqqat angajoqqaaminni imaluunniit ilaqtaminni qilerut kipineqannginnissaa, tamatuminnga iluaquataalluinnartussaammat meeqqap misigissusaa, meeqqap ineriartornissaa, meeqqap pitsasumik kissalaamillu tunineqarnissaa qulakkeerneqarsinnaammat.

Una aaliangiiffigisassatut siunnersuut Atassummiit taperserparput, ataatsimiititaliamut susassaqartumut innersuullugu.